

SPEAKER : "Pathian hming chu kumkhaw tlaitluanin fakin awm rawh se: Finna leh thiltihtheihna a ta a ni si'a: Hunte leh hun bite a tidanglam a: Lalte a sawn bo va, lalte a tungding a: Mi fing hnonah finna a pe a, Hrethiamtu hnonah hriatna a pe a: Thil thuk leh thil inthupte a tilang a: Thima awm pawh a hria a, a hnonah chuan eng a cheng a. Aw ka thlahtute Pathian, finna leh theihna min pety, I lak ata kan thil dil tuna min hriattirtu chu lawmthu ka hrihlin ka fak a che: Lal thil chu min hriattir tawh si a".

(Daniala 2 : 21-23)

Awla, vawiina kan Business chu kan tan tawh ang a. Khata List of Business in neih ang khan, a hmasa berin Cbituary Reference ah hian kan kal anga, House Leader in kan member pakhat Pu R.Zadinga thih chungchanga sawi tur a neih ang ang chu sawi turin i lo sawm hmasa ang u.

BRIG.THENPHUNG SAIBO, Pu Speaker, tun tuma kan Assembly Session ah hian kan tihtur hmasa ber item kan han thlir hian thusawi chak-awm loh tak a ni a. Kan vaia kan hriat angin he kan Assembly hianin Pu R.Zadinga, kan MLA pui hun lo tak mai, June ni 15 zana Lungphun khua a MNF te kut a thi kha kan hria a, pawl kan ti a.

Zadinga hi Dengkhuma Rivung fapa a ni a. 1947 May ni 12 a piang a ni a. Phuldungsei lampang mi a ni a, khulalah khuan lehka a zir a. Tin, Matric pawh private angin a pass a. Chuti chung chuan second division ah a tling a. Tin, College chu Pachunga Memorial College ah 1976 khan a graduate a ni. Tin, chumi hma chuan hna te pawh a thawk tawh a, Economic & Statistic Department ah Primary Investigator angin 1973 khan hna a thawk a. Chumi kum bawh chuan a hna hmasa kalsan chuan Supply Department ah Supply Inspector hna ah a lut a. Tin, chumi hna atangin ama thu in a resigned a December, 1980 khan.

1971 khan nupui Lalthlamuani a nei a, fapa 2 leh fanu 2 an nei a. Political Party (P.C.Party) a rawn zawm a. 1981 khan Bungkawh a P.C.Unit ah President a ni a. Village Council In thlanna ah pawh February thla khan an thlang a ni (P.C.Member khan.) Tin, kum ina Bye Election ah khan kan hriat theuh angin Phuldungsei Constituency ah a ding a. Chumi bial ah chuan mipui te duhsakna in thlan tlin a ni a.

Pu Zadinga thih chungchang thu hi member pui te leh Mizo mipuite hian kan tuar in kan ngathiam lo em em a, a sawi pawh kan sawi tam tawh hle a ni. Amah vui ni ah leh a hnu ah te leh hmun hrang hrangah, Zadinga hi kai chuan ka lo hre em em lo a, a thih hnu ah hian ka hre vo chauh mai tluk a ni a. MLA a a candidate dawn khan kan in hmu a, mahse a chanchin an han sawi an han sawi hian an bial te, an khua te, khawi ami pawhin mi puitling tak mai alo ni a, ama P.C. pui chauh lo tan pawh Mizoram tan hian mi uihawm tak, tunah boral lo sela kan ram ah politic field ah hian a tha zawngin contribution nasa tak a nei ngei dawn tih kan Chiang ta hle a ni. Hetianga min lo boral san ta hi kan vaim pawl kan ti em em a ni.

SPEAKER : Pu Zadinga thih chungchang a sawi duh nei Opposition lam atangin in awm chuan ko hmasa ilangin.

* PU LAL THANHWL : Pu Speaker, kan Chief Minister ina a rawn sawi ang khan Pu Zadinga kan member pui ina hun lo tak a MNE te kut tuar a min boral san hi paw kan ti in uiawm kan ti tak tak a. Tuna kan ngaihtlak tak atang te leh a chanchin hmun hrang hrang atanga kan lo hriat dan atang te leh keimah ngein a ka hriatdan atang te in mi uiawm tak a ni a. Mizo tlangval tlawngai, khawtlang thatna atana a nunna hman peih mi, Party leh khatiang zawng ngaihtuah lova, kan khawtlang pumpui tana ngaihtuahna hman mi a ni tih kan hre chiang em em a. Village Council Member anihna mai chuah ni lovin an yong YMA ah te pawh chhiatni thatni a a kul a tai ani tih kan hria a.

Ram rawngbawlna lamah pawh hemi ah chuah pawh ni lovin tunhma te pawh in ke pen chhuakin dik leh tha ni a a hriat chu huaisen takin kan ram malcham ah a nunna te pawh hlan hialin a lo bei tawh thin ani a. Chutiang mi huaisen, mi zahawm leh mi fel kan House in a thiamna leh a fina te pawh kan la chhawr hma a hetiang a nunna laksak a lo ni hi paw kan ti tak zet zet a. Kan aiawh zawng zawng te leh keima mimal pawhin paw kan tih thu leh kan ram ina Pu R. Zadinga kan hlah chungchang a a vanduai thlak zia ka rawn sawi duh ani.

Ka lawm e.

PU K. BIAKCHUNGUNGA : Pu Speaker, Pu R. Zadinga thih chungchang thu ah hian kan rilru a na tak meuh meuh a, a vanduai thlak em em a.

Amah hi tuna an han sawi tawh ang. Khan Mizo nihna nunphungah hian mi entawn tlak tak leh mifel tak a ni a. Keini party lamah chuan amah hi kan Joint Secretary a ni nghe nghe a. Kan thawh ho chung rei lo te ah hian Pu R. Zadinga hian a fel zia leh mite khawngaihna a ngahzia te, kawng hrang hrangin a lantir a, mi ngainatawm tak ani. Kawng khat ngaihtuah chuan a thawpui te chuan kan chan nasa hke mai, 'Hetiang kan chan hi' tiin kan ngaihtuah thei a. Amah-erawhchu han chhut leh zual erawh chuan hetiang mi duhawm tak mai, la thalai tak mai, a ma nihna a thiltih theihna a felna zawng zawng te han en chuan keini a thawpui te mai ni lo hian kan ram hian a chan nasa em em a, channa ropui tak ani. A paw tak meuh a ni, Amaherawhchu, hetiang ang. taka thil alo awm hian thusawi thiam te a har a, engpawhnise hemi duhawm tak mai kan lo channa ah hian he House ah hian, kan zavai in kan ui in paw kan ti tak meuh meuh a ni tih chu ka rawn sawi ve duh a ni.

Ka lawm e.

* PU HIPHEI : Pu Speaker, Pu R. Zadinga thih chungchang hi sawi loh theih ni in ka hre lova. A chanchin phei hi chu ka hre em em lova, kan inhriat tirna pawh helai a MLA a thlan tlin anih hnu a thutiam la turra kan inkhawm atang khan kan inhre chuah a ni a. A chanchin sawi tur erawh chu ka hre lo mah-erawhchu, a thih thu ka hriat khan Saiha ah kan awm lai a ni a, paw kan ti em em a. Khilam atang chuan khatih lai khan

kan communication te a that loh lai ani leh nghal a. Amah a nihna tak hrechiang thei lo mah ila, a hmel atang kham mi tha tak anih ka ring nghet tlat a, chu ka rinna pawh chu a dik ni in a thih hnu hian a lang a. Mi ten kan uidan atang te, kan tuarpui dan tang te in mi tha tak, mi nunnem tak, kawm nuam tak anih ka ring a. Amaherawhchu, chumi a kawm nawmna mai te leh thian atan a a thatna mai chu thil uiawm ani kher lo anga. He House a thu ve tur a MLA atana thlan tlin anih dan te kan ngaihtuah in a bial mipui ten an ngai- nat dan te kan ngaihtuahin Mizoram pumpui tan a thil tangkai ta thei tur a mi rin a ni. Chuvangin uiawm ka ti tak zet a. Amaherawhchu, kan ui em em tih bak chu mihring sawi theihna hian a pha tawh si lova, ka ui tak meuh ani. Keimah nimal hian a thih thu ka hriat hian ka tuar viau a. Tih, theih kan nei ta si lova, Tuna a kalsan tak a nupui leh a fapa 2 leh a fanu 2 te hi Pathian in awmpuiin malsawm sela, Pa nei lo ni mah se Pathianin a awmpui zel ka duhsak embem a, chutiang bawh chuan he House in he mi tangkai tak leh ropui tak, Mizoram tana thahnem ngai kan tangkai pui tur hi Pathianin a ai awh mi ropui tha tak min pek ka beisei ani.

Ka lawm e.

* PU SAINGHAKA :

Pu Speaker, tuna kan thianpa Zadinga boral chungchang thu a House ina sawi- na hun remchang kan neih tak ah chuan

chhiatni leh thatni ah te hian mihring chengchin kan sawi hian a lo a luakchhuak a in sawite pawh hi thil awm thei a ni a. Amaherawhchu, waviin ni a kan thianpa helai House a kan thutpui thin, hun tam pawh la hmang lo vanduaina tawh a a thi ta hi, amah a hrechiang pawl tak te zinga mi ka nih ka inring a. Naupang deuh anih lai dang a naupang fel a ni a. Thusawitu hmasa ten an han sawi tawh ang khen, vantlang tana in hmang anih bakah kohhran lamah pawh mi sakhaw mi tak ani a. Naupang huatthu nei lo ani thin a, rilru lian tak a pu bawh a. Ama in ngaihtuahna ah fel, tha inti a uangthuung ni lo mahsela thil tha ti a inhriatna a nei a. A chungchang thu kan ngaihtuah in thihni leh chhiatni a kan in vuina nikhua a thu tam tak kan sawi a, kan infak thin ang ai hian ani hi chu waviin hi ah amah fakna thu kan sawi thiam lo zawk ang tih ka ring a ni. Chuvangin waviin ni a ani kan chan hi pawl kan tih ngai a rinawm a. A ruang awm ni a vuina thusawitu tam tak ten an sawi te, a pa ngai ina a sawite kan la hriat reng chuan Zadinga thihna atanga Mizoram a hetiang ang thih- na hi awm leh tawh lo turin kan duh a, chung ang te pawh chu waviin ni ah hian a thlen kan beisei a. Chuvangin Zadinga kan chan hi kawng, leh lamah chuan lungchhiat thlak hle mah- sela Mizoram tana malsawmna anih zawk te pawh ka beisei ani.

SPEAKER :

Midang sawi duh kan la awm om? Awle, kan member thin helai a kan thawpui thin Pu R.Zadinga sunna thu kan lo

ngaithla ta a. Keini Mizoram ami changin kan ui ani lova, State danga kan state pui dang te pawhin amah an ui zia hfiat reng nan hian House ah Obituary Reference te pawh an lo sawi ve a, Haryana leh Meghalaya te pawh in khatiang kha an lo ti tawh a, chuvangin ram pum tan hlohna ropui tak ani tih kan thusawitawh atang te leh midang ina min uipui dan atang te pawhin a hriat theih a ni.

Tunah chuan kan Business ami bawk Pu Seikh Muhammad Abdullah, Jammu & Kashmir Chief Minister thih chungchang a kan House Leader in sawi tur a neih te rawn sawi hmasa leh selangin. I lo ko leh ang u.

BRIG. THENPHUNGA SAILO : Pu Speaker, hemi Sheik Abdullah, Chief Minister, Jammu & Kashmir boral chungchang thu hi tawi te in kan sawi anga. Mahse saptawng a sawi tha in ka hria a, chumi hnu chuan Mizo tawngin tawi te in ka sawi bawk ang a.

The Mizoram Legislative Assembly have learnt with deep sorrow the death of Mohammad Abdullah, Chief Minister of Kashmir on 8th September, 1982 at 8 P.M.

Sheik Mohammad Abdullah was born on 5th December, 1905 at Soura, near Srinagar. He was the son of Sheik Mohammad Ibrahim. He was educated at the Government High School, Srinagar. Passed Matric from there and went to Prince of Wales College, Jammu. Did his B. Sc. from Islamic College, Lahore. Completed his post graduate in Physics (M.Sc) in 1930 from Aligarh Muslim University. In 1932 he married Akbar Hohan daughter of Harry Nedou.

He was the first President of the Muslim Conference, and he was also the President of the National Conference from 1939-1953 except in 1942 and 1944. In 1946, he launched the Quit Kashmir Movement challenging the Maharaja's right to rule over the State. The movement was aimed at complete democracy. Placed Kashmir case before the British Cabinet Mission then in India.

In 1946, he was arrested and sentenced to nine years imprisonment for leading the people of Jammu & Kashmir state in the struggle against the Maharaja demanding a constitutional Government and liberties. Also while he was in jail he was elected President of the All India State Peoples Conference.

1948, he became the Prime Minister of Kashmir and in 1953 he was dismissed and was arrested and detained. He was released in 1958. In the same year he was again re-arrested, tried in Kashmir conspiracy case which was withdrawn later. Again he was released in 1964. He organised the Jammu & Kashmir State People's Convention to evolve possible solution to the Kashmir problem. He became Chief Minister in 1975, but the Assembly was dissolved in March, 1977.

In July of the same year he was again elected a member of Jammu & Kashmir Assembly and was sworn in as Chief Minister of the State and continued in that capacity till his death on September 8, 1982.

Sheikh Mohammad Abdullah hi Indian Political figure chauh ni lovin khawvel pumpui politic figure a tling a ni. United Nation Assembly ah te pawh hming lar tak thin a ni a. Amah hi courage of conviction nei a huaisen tak a ram tan a rawngbawl tum mi a ni a.

Thil interesting tak chu tam tak in in hria in ka ring a, Pu Pandit Nehru-a te chhung te nen hianin an in hre om em a, kum tak tak chhungkhat eng deuhtaw in an awm thin a ni. Amaherawhchu, politics ah thidn in an lohna an nei a, chungah erawh chuan offically leh politic takin thil engpawh a thleng a ni thei a. Mahse chutih rual rual chuan an mimal chhungkaw thilah chuan englai mahin an in hran ngai a ni. Koimah ngei pawh in ka mitin ka hmu a, 1980 leh 1981 chhung khan an thu kaldante in an lohna a lo lang fo thin a ni a, chanchinbu ah te pawh. Mahse private life ah chuan lan Prime Minister te nen a an inkawma ahte te chuan a lem ni lovin tih tak takin an in lainat niin ka hria a. Chung atang chuan zir tur kan nei lian ve hlo ani keini te pawhin. Politic thil, ram rawngbawl kan tumma ah kan ngaihndan te a phir anih pawhin mimal ah hi chuan lang lo thei hram se chuan a tha khawp a ni. Pu Sheik Abdullah hi India ram chauh lo te pawhin khawvel hianin a ui hlo ani tih a lang a. India ram ten pheichuan a uiawm leh zual a ni.

*PU LAL THANAWLA : Pu Speaker, Pu Sheikh Abdullah hi a lar ber ani thei hial awm e. Pu Nehru te, Indira Gandhi te tih lohah chuan Mizo tam ber hian kan hriat ber ani hial awm e. A bik takin kan ram a Political Party thenkhat te chuanin hre ve mang lo te pawhin kan sawi ri ve fo ani a, chutiang khawp a lar chu a ni a. Chu bakah ama state chungah, ama mipui ten an duhsak in an ngaina hlo ani tih a lang a. Politics thilah han inti bawp bawp thin mahsela, a thihni a a ropui dan te leh politic taka an ram a a ngelngheh dan te kan thlir in khua leh tui te tan pawh a mipopui tak leh ngaihnober tak a awm thiam ani tih a lang thei a. Chutiang khawp a mi ropui chu kan lo chan ta a. Ama nunah khan entawn tur tam tak ram leh hnam rawngbawl tur a kan inpekna ah te leh politics a an chenna ahte ngaihndan in an leh pawh a inthian thatna ahte engmah a bo chuang lova. Hun rei tak Chief Minister ni chung a mipui a command dante amah an hlau ni lovin an zah, an nel na te chu entawn tlak tak a awm a. Chutiang mi ropui tak chu India ram in a lo chan ta a. Chuvangin vawin ni ah helai ah amah sunna leh amah kan uizia thusawi theihna hunte, kan nei hi thil tih awm tak a ni a. Chu chuan India ram hi pumkhat ani tihte pawh a ti lang a. Chuvangin hetiang hun hi kan neih theih a, hetiang sawi thei a ka lo awm hi ka lawm a. Amah Pu Sheikh Abdullah hi tunah kan zingah awm tawh lo mahselangin ram rawngbawl tur a kan kal chhoh zel naah zir tur tam tak kan nei tih hria ilangin.

PU K. BLEN CHUNGNUNGA : Jammu & Kashmir Chief Minister ropui tak leh zahawm tak mai lo boral ta hian ka rilru a khawih hlo a, tunhma atang khan naupang kan nihna ang deuhte pawh a ni ang chu, India ram hruaitu te kan han hriat ve ah te pawh hian mi ropui berte zinga ka lo ngeih ve thin a ni a.

Hetiang ang a politics ah Mizoram ahte rawngbawlna engemaw tikawng kawng a kan han neih ve tak hnu ah phei hi chuan hemi ropui zia leh a ngaihsanawm zia hi chanchinbu atang leh kawng hrang hrang pawhin khung, Delhi lamah te pawh hriat theihna kan han nei ta zel a. A bik takin keini Mizoram a tualto party te ang tan pheih hi

chuan ani tualto party Jammu & Kashmir a hruaitu alo nihna avangte khan ralkhat atang pawh hian latnatna leh a thil tihdan kalhmang te kan ram tan pawh a tha ve turte a awm em ti a zir ve duha, hriat ve chakna hi a awm reng thin ani. Theih niselangin ama damlai hun ngei a Jammu & Kashmir ahte zuk kal a an ram awmdan te leh a thil tihdan chiangkhang zawk a zuk hriat te ka chak em em thin a, nimhselangin vawiin ni ah chuan tiang hian amah uiawm zia leh kan chan tak thu te sawi alo ngai ta hi a vanduai thlak hlo a. Kan sawi tawh ang khan India ram mai pawh ni lovin khawvel pum a mi lang tham, mi pawimawh a ni a. Chutih lai chuan keini Mizoram tan bik pawh hian tualto party ah pawimawh tak leh duhawm tak anihna avangin kan tan a uiawm lehzuai a ni.

SPEAKER : Sawi duh dang an awm tawh lo anih chuanin tunah Pu R. Zadinga, Mizoram Legislative a Member ni thin leh Sheikh Abdullah, Jammu & Kashmir Chief Minister lo ni thin te an thihna a kan tuarpuna leh kan ngaihsan entirna tur atan member zawng zawng kha ngawi rengin minute 2 ilo ding ang u (member te chu ngawi rengin minute 2 an ding a).

Tunah chuan kan Business Item No. 2-ah lo kal ilangin. Question hour a hi a, tunah Starred Question No. 1 zawttu in han zawt sela. Pu C.L. Ruala i lo sawm ang u.

* PU C.L. RUALA : Pu Speaker, Starred Question No. 1 Will the Hon'ble Minister in-charge Political Department chhan atan.

BRIG. THENPHUNG SALLU: Member zahawm tak zawhna kha hetiang CHIEF MINISTER. ang hi a ni a -

What system of writting Annual Confidential Report (ACR) of a Government Servant of Group A, B and C is being followed by the Government of Mizoram ?

A chhanna chu - All India Service Officers kan neih te I.A.S., IPS etc. heng ho tan hi chuanin India pumpui ina an zawh chu instruction a sawm a, chutiang chuanin Mizoram Sorkar a thawk kan I.A.S Officer te leh IPS Officer te chu chumi All Indian Instruction ang chuanin an ACR an ziak thin a ni. Midang I.A.S leh All India Service ni lo, helai keimahni sorkar a kan Officer te Group A, B, C, khang kha chu Mizoram Sorkar hianin Instruction a siam ve a, amah-crawhchu, a siam a kha keimahni phuahchawp ani lova; Government of India Instructions a khat tawk a an rawn tihdanglam zauh zauh, chumi zulzui chuan Mizoram Sorkar hian Political Department atangin Instruction an siamchhuak ve thin, chumi ang chuanin an system chu kan hmang a ni.

* PU C.L.RUZIA : Pu Speaker, zawh belhna, Government Servant Annual Confidential Report ah khan remark emaw recommendation emaw lo awm ta sela, chu chu a person concern hnenah khan Mizoram Government hianin a communicate thin em? a communicate na hun chhung kha hurbi tuk a awm em? Chutiang a communicate anih chuan person concern khan a chhanna tur hun ruat a ni em?.

BRIG. THENPHUNGA S. ILO : Tuna member zahawm tak rawn zawh, CHIEF MINISTER Supplementary Question kha a pawimawh viau a. Adverse Remarks a awm chuan a ziak tuin a ziah zawh veloh khanin Officer hnenah khan communicate tur a ni, in-writing in. Hei hi tunhma khan an lo follow lo deuh thin ani awm e. Hemi chungchangah hian, officer zingah te pawh, representation te pawh a awm a. Mahse tunah hianin Adverse Remark chu kan communicate zel ani. Tin, kan communicate hnu khan officer khan a duh chuan representation a siam thei ani. Tin, a siam hnu pawh khan a disposal kha a awm leh a, chutiang chu an kaldan a nil.

* PU C.L.RUZIA : Pu Speaker, kan House Leader zahawm tak khan tunhmain Adverse Remark Confidential Report a awm te person concern hnenah communicate loh a lo awm tawh thin tih a sawi a, commendation outstanding performance awm communicate loh phoi chu a pawl vak in a rinawm lova. Mahselangin, adverse remark chi hi chu corrective atana thiltih a ni a, chutiang ang awm lo chu a pawl khawp mai a. Chumi bakah chuan zawhna dang ; chutiang anga uncommunicated adverse remark a government servant promotion dal nan emaw efficiency bar cross theih loh nan emaw hman ani em? Chu chu ka zawh belhna ani.

BRIG. THENPHUNGA S. ILO : Tunhma a thil awm kha chu a awm a, CHIEF MINISTER. mahse khang kha chu sawi vak ngain ka hre lova. Tunhma pawh a kan sawi thin angin kan Sorkar hi a la naupang a, thang chho ve zel a ni a. Heng kher lo pawh hi a chezia dik takin kan follow lo chuah ani. Chu chu kan Sorkar naupan vang ani mai a thil lo fel loh tawh avang chuan kan in zir a, tunah hi chuan kan ti tha viau ta niin ka hria a. Adverse remark a awm avanga promotion dan chungchang thu ah hian an promotion hmuh loh hmuh loh chungchang thu ah chuan adverse remark hi a pawl thei viau na a, promotion hmuh loh hmuh loh chu hetah chauh hian a innghat lo ani, thil dang pawh ngaihtuah a awm ve tho a ni. Adverse remark awm loh avangin promotion hmuh ngei ngei tur ani chuang lo. Adverse remark a awm pawhin a adverse a kha ong ang chiah a adverse ngo anih tih kha a degree a awm leh a a satliah te, a satliah lo tak te pawh a awm thei a, khang avang khan promotion hmuh loh phahna pawh ani hranpa chuang lo ani. Departmental Promotion Committee hianin yard stick dangte pawh a thliar a ngai a. Efficiency Bar hmuh loh thu chu Chief Minister ka nih hnu chuan ka hre meuh lova, promotion erawh hi chu Departmental Promotion Committee in ACR leh thildang dang thliar in an ti lo thei lova. Englekhwale, Adverse remark hrim hrim hi chu kan MLA zahawm tak rawn sawi kha, a idea

hi tu te emaw tan a tha lo hrim hrim ani lova, adverse remark kan ziah chuan a ziaktu ten a chhan chu a sawi chiah kha, directive a ni a, kha officer khan a weakness leh short coming kha a hriat theihna turin kan ziaak a ni a, anmahni khanin kha kha an hre tur pawh ani reng ani. Chuta tanga thli' chuan dik takin, tam takin adverse remark an neih a hi justified a ni a, officer concerned pawhin correct spirit an lak chuan a tangkai viau a ni.

* PU SAINGHAKA : Government servant hneha communicate loh awm niin kan Minister khan a sawi a, Chuti anih chuan hetiang uncommunicated adverse report a kha chu anmahni record ah dah phal loh ani tih supreme court ruling awm ni a hriat a ni a, Chu chu kan Sorkar hian a hriain a zui em ?.

BRIG. THENPHUNGA SAILO: Tuna kan MIA rawn point out a kha kan CHIEF MINISTER. Political Department hian a hria a. Amaherawhchu khati chung pawh khanin, ka sawi tawh ang khan an promotion chungchang thu ah hianin dik takin a deciding factor an ni lo. Adverse remark communicate loh avang ringawt a promotion pe lo ni a an representation hi, adverse femark a ni emaw, ni lo emaw an tling lo reng reng a, an promote chuang lo ani.

* PU C.L. RUALA : Mizoramah hian communication problem kan neih avengin Agarwala, Chief Secretary anih lai khanin thla 3 chhung tal ni sela, chuti lo chuan thla khat (1) chhung chuan kan communicate hman lo ani a ti tawh a. Chuta tang ringawt pawh chuan khami uncommunicated adverse remark hi engemaw zat a awm a. Uncommunicated adverse remark hi ineffective a ngaih tur angin Sorkar hrang hrangin an ti deuh ber a, kan Sorkar hian uncommunicated adverse femark hi ineffective in nge a ngaih effective tho in tih ka zawt a ni..

BRIG. THENPHUNGA SAILO : Pu Speaker, adverse remark communicated leh a nih palh chuan khami communicate anih lohna kha Departmental Promotion Committee in an consider ani. Chu chu ka sawi thei a. An lo communicate lo palh anih chuan kha kha an point out a, anih tak chu an ti a, promotion tura ngaihtuah tu te khan kha fact a kha an thilungah an dah a ni.

SPEAKER : Awlo, zawh belhna dang a awm tawh lo anih a rinawm a. Zawhna 2-na zawt turin member Pu Sainghaka i lo sawm teh ang.

* PU SAINGHAKA : Pu Speaker, Starred Question No. 2-na
"The total amount sanctioned under
NREP during the current financial
year".

PU P.B.ROSANGA : Pu Speaker, kumin 1982-83 atana
MINISTER. pawisa NREP a kan hmuh chu Rural
Development Department Government
of India atangin tun October ni 12 khan cheng nuai sawm
paruk (Rs. nuai 16) pek kan ni.

* PU SAINGHAKA : N.R.E.P hi State Level Steering
Committee te pawh kan nei a. Khami
recommend ang khan khami cheng nuai
sawm leh paruk (16) kan hmuh a hi department hrang hrang,
Public Works Department te, Agriculture te, Forest te, Social
Welfare te, Community Development te, General Administration
Department te, heng ho hian engzat theuh nge an hman tawh
min hrilh thei em ?

PU P.B.ROSANGA : Pu Speaker, kumin chhungah hman kan
MINISTER. la nei lo. Tun October ni sawm pahnih
(12) kha Government of India in
sanction min pekna ala ni chauh a, tunah hian District hrang
hrang kha khang steering committee te han recommendna ang
khan sanction chu pek an ni ang.

PU ELLIS SAIDENGA : Pu Speaker, heng district hrang
hrang a pek te hi eng ang in nge
an thliar dan ? Eng ang theuh in
nge an sem ?

PU P.B.ROSANGA : Pu Speaker, hemi Proportionate
MINISTER. distribution kan nih dan tlangpui
chu EGS atang khan population base
theuh in 5,3,2 proportion in kan kal ani. District pathum
a awm a, Aizawl, Lunglei, Chhimituipui District, chumi ah
chuan 5,3,2 in kan kal a ni.

* PU SAINGHAKA : Pu Speaker, kan Minister zahawm
tak khanin ni 12 ah he pawisa hi
kan hmu chauh ani a ti a. Chuti ni
ta sela, hemi hmanna tur hianin Sorkar ina committee a siam
in a recommend leh sorkar in a ruat Deputy Commissioner te
hian proposal an theh lut em ? Tin, theh lut lo ni sela, kum
in chhung hian he cheng nuai 16 hi an hmang hman dawn em ?

PU P.B.ROSANGA : Pu Speaker, district pahnih atangin
MINISTER. proposal hmuh tawh a ni a, hemi cheng
nuai 16 atan hian. Tin, District
pakhat dang atan pawh hmuh thuai
beisei ani a. Chuvang chuan engkim proposal siam sa vek an
nih avangin kan hmang hman ang.

SPEAKER : Zawh belhna dang a awm tawh lo anih
chuan Question No. 3-ah khan kan kal
leh tawh anga. Tunah a zawttu Pu
C.Pahlira i lo ko ang u.

* PU C.PAHLIRA : Ka zawhna 3-na, Hon'ble Minister,
Industries Department in min han
chhang thei se ka lawm hle ang.

* PU F.MALSAWMA : Pu Speaker, zawhna chu hetiang ani -
MINISTER. Sericulture hi Department hrang a
dah tumna a awm em? Chu chu lo ni ta
sela, sorkar in engchen nge a tih
tawh tih a ni a. Chumi chhanna chu Directorate hrang siamtum-
na hi a awm a, chu chu tunah hian Planning Commission ah 1983
leh 1984 Financial Year chhung a tih puitlin tur a proposal
rawtna siam Planning Commission a tuna thehluh tur zingah
hian a tel a ni.

PU C.PAHLIRA : Hei, Sericulture Department lam hi
tuna kan Administrator hian a lo
chhuah hlim atang khanin a rawn phur
em em mai a. Amaherawhchu, mipui lam atangin an in tihhmuh
viau a. Khaw thenkhat khat ah chuanin nidanga an hnathavh
thin te bansanin hemi Sericulture atan hian chhung engemaw
zat an in puahchah a, nikum lam te pawh khan. Amaherawhchu,
department atangin a seed an hmi thei lova tih hi a tam em
em mai a. Chu chu thutak ani em? Chu chu ni sela kumin kum
lo thar turah pawh hianin hei hi uar tur a sorkar lam atang
pawh a fuih an nih avangin mi tam tak in ah take up leh dawn
ni in a lang a. Khaw thenkhat ah phei chuanin pangang khawi-
na siam nan lo te hia an vat a, an theh a. Chung ang chu
sorkar in a seed supply theih zel beiseina a awm em?.

* PU F.MALSAWMA : Pu Speaker, he zawhna hi zawhna
MINISTER. lawmam tak a ni a. Kan House a
member zahawm tak tak tena phurna
an rawn neihna lo lang atang hian
sorkarin a thiltum hlawhtlin zelna pawh ni in ka hria a.
A chi chungchangah khan harsatna tunhma pawhin a lo awm
tawh reng then a. A chhan chu a chingtute lampang leh a
vulhtute zawk khan a chi nung a rawn hralh ai khan dimdawih
tha mang lovin a thi tawh a la ringawt, a chi cocoon ringawt
a kha hralh tur emaw tih ngaihtuahna an nei thin a. Chu chu
sorkarin a chi a nung a pek chhawn leh tlak rawn keng tute

chu a man to zawk a lo leisak kha thain hriat a ni ta a. Chutatang chuan 1981 atang hian a chi hi a lo pung ta viau a, 1982 ah hi chuana chi harsatna hi in nei ang em ? ti a a khawitu ngeite ka sawipuinaah pawh, chutiang harsatna chu kan nei lo. Anmahni in khawilai ami emaw an rawn te an rawn dik loh avangin neilo angin an lo ngei ani mai thei a. Tunah chuan chumi harsatna chu kan nei tawh rih lo an lo ti a. Chu chu tunah chuan kan dinhmun niin ka hria.

* PU SAIKAPTHIANGA : Pu Speaker, kan Minister zahawm tak rawn sawi atang khan a lawmawm ka ti viau a. Kei, pangang khawi ai khan ui vulh kha ka lo rawt deuh tawh thin a, hlawk lo ka ti lutuk a. Tunah pawh kan uar ta viau a, department in a cocoon te min leisak ta a. Chutiang a nasa taka kan tih tawh chuan tunah hian eng ang nge ni tun kum kalta chhung khan a silk tak tak kan department hian a siamchhuah min hriih thei em aw!

* PU F. M. LSAWMA : Pu Speaker, kan han hriat mai mai MINISTER. atan, 1981 leh 1982 khan tunhma lak chuan nasa fein tunlai chuan a thar a tam tawh nachungin Kg 3640 thar a ni a. Chu pawh chu tunhma lak chuan pung tak a ni a. Tun 1982 ah hian August thla thlang khan Kg 11120 thar a ni tawh a. Chu chu tunah chuan Weaving Unit kan nei a. A la duang a siam a kha ngawrh tak a tunah hian beih chhoh tum a ni a, a unit engemaw zat chu kan nei tawh a, amaherawhchu chu chuan kan cocoon zawng zawng hi a la duang a chhuah chu a la zo rih lova. Chuvangin tunah hian chak zawk a tih theihna turin a machine tam zawk kha dah tum a ni a. Chumi atan chuan tunah hian Delhi lamah te hmun hrang hrangah theihtawp chhuahin tunah hian sorkar chuan tana la in hma a la mok a ni.

* PU JOE. NGURDAWLA : Zawh belhna dang, Pu Speaker, kan Minister zahawm takin a rawn sawi ang khan a tlangpuin hei Sericulture lamah hmasawna thar tha tak mai kan nei a, a lawmawm a, kan Minister te pawh an tui tih a hriat a. Kan member zahawm takin a rawn sawi ang khan thingtlang lam pawh an phur a, anmahni tihna va dappui chuan sorakr hianin a cover phalo ange aw tih thamin hmun hrang hrangah an in buatsaih a. A ti tawh te atangin eizawnaa tling tak tak ah an ngai a, thil lawmawm tak mai niin ka hria a. Chumi chuanin sorkar hian tun Financial Year chhung hianin pawisa engzat nge a ruahman a, tin, kum lo kal leh zel tur hemi Financial Year ah hian engzat nge an la ruahman tih hi a pawimawh viauin ka hria a. Ka han zawt ve teh ang.

* PU F. M. LSAWMA : Pu Speaker, kumin atan hi chuan, MINISTER. nikum khan nuai 16 niin ka hria a, kuminah hian nuai 26 dah tum a ni a. Fifth Plan chhung chuan

nuai 40 leh tih vel niin ka hria a. Engpawhnisela hei hi Industry hnuai a awm anga a la awm chung hi chuan hemi fund a hi kan in daih lo thin a. Amaherawhchu, khawl thenkhat bun theih tak loh te alo awm ve nual thin a. Industry Department hnuai chung si ah kha, chung atang te chuan fund hi divert ani nual thin a. Chung ang a remchang insiamna chu a theih ang angin siam chhoh zel a ni a. Engpawhniselangin, hetiang ang mipui ten a eizawna tak tak a an rawn hmanna hi sorkar a cho chhuahna ani dawn a. Mipui muthlu tawhte kha an han tang chho zel a, sorkar chuan theihtawpin tan a han la a. Mipui ten tan an la a, mipuiten sorkar kha an lehkhah lek lek a, tiang chuan intlansiak tawna a awm chho a. Thil thar chho reng rengah chuan tiang hi ani thin a. Chumi harsatna engemaw chu awm thei dawn mahsela, Sericulture Department chuan hemi hi siam tumin tan a la chho zel ani.

* PU SAINGHAKA : Pu Speaker, cheng nuai 16 hi Sericulture Budget hrim hrimah ka lo ngai a, chuti anih chuan a khawl leina leh thildang a kha chuthudang nisela. Mipuiin kan thatpui ve tur chi, Fangang khawitu te cocoon leina atan engzat nge pawisa hi thliar hran anih a, kumin chhungah engzat man nge lei ni tawh ?.

* PU F.MALSAWMA, MINISTER. Pu Speaker, khami zawng kha chuan tunah information kan nei mai lova. Amaherawhchu, hemi atan a tul ang a hi chu sanction siamfel vek a ni a. Amaherawhchu, thingtlang kar hla te anih avangin duh anga ran theih loh chang te a awm a. A man chumi atan bik a harsatna chu tunah chuan kan la nei rih lo ani.

PU LAINUNZIRA : Thingtlang khawi hmunah te ngo he department hian hnathawhna a neih ?. Tin, Kawrthah bialah hian a la nei lovin ka hria a, ankumah hian a dah theih mai ang em ?.

* PU F.MALSAWMA : MINISTER. Pu Speaker, a lawmawm hle a. Thing theihmu kan tih hi Rangvamual farm ah leh Kolasib leh Vairengte, Serchhip, Mamit leh Chaltlang ah te, hmun 6 ah farm neih a ni a. Oaktasar hi Champhai, Tlangsam, Khawzawl, Pukpui, Lunglei ah hmun 4 ah neih a ni leh a. Mugo ho hi Zomabawk, Mualungthu, Kawmpui leh Baktawng ah hmun 4 ah neih ani bawk a. Uri hi Durtlang, Kolasib, Bilkhawthlir, Bairabi, Lengpui, Lunglei, Thingfal, Lawngtlai hmun riatah neih a ni a. Heng hi tuna kan neih lai a ni a, amaherawhchu, heng hi chu Government in a mipuite a tihhmuh nan a demonstrate entirna chauh tur a ruahman a ni a.

An ni hi a thar tam ber tura ngaih an ni lova, private zawk te hi an ni a. Chu ang chiah chuan tunah hian nasa takin mipui zawk in an thar hnom a. Ka han sawi tam ber kha mipui atanga beih khawm a ni a, Kawrthah tlangdung ah khan mitui fak tak te pawh an awm a, a bik takin Lokicherra ah te pawh an awm tih hriat a ni a. Chugg hmunah chuan khumi tlangdung ah khuan a theih remchang hmasa berah demonstration farm hi dah ni rawh se tiin order pawh kan pe tawh a. Amaherawhchu a farm hawn belh hrim hrim lam a hi Sorakar in sensona nasa tak anih avangin a tha ber em ? Mipui mamawh a kha, a hmun ami anmahni zuk hrilh harh tu tur a kha an nih chuan chung a te chu tir ila, tin, anmahni tharchhuah cocoon a kha leisak tu tur an nih chuan a hmun a leidan te ngaihtuah ila tiin Sorakar chuan rilru a nei a. Engpawhnisela hawnbelh turte anih a, remchang a theite anih chuan ngaih mawh hmasak a neih turin Department chu hriattir an ni tawh.

* PU C. PAHLIRA : Hemi cultivator ho tana thil pawimawh ni a ka hriat avangin, tunlai hian ti ti pakhat a awm a. Pangbal kan tih hi a phun nun a nuam a, a thang duh bawka, hei hi pangang chaw atan an pe nasa hle maia. Amaherawhchu a chingtute zingah hian hemi pangbal ei cocoon, a la a hi a tha lova. Chuvangin hei hi chu nakin lawkah hrilh theih loh anih pawh a rinawma. Tuna pangbal hi an lo pek vak chuan in ti thlawn ang tihna a awm a, chu chu mitem hriatfiah tul an ti em em mai a. Chulai thil chu yawiin ah hian in hrilhfiah thei dinhmunah kan ding em aw! tih kha ka han zawt duh a ni.

* PU F. MALSAWMA : Hei hi a thiam expert te sawi tur awm tak a ni a. Amaherawhchu ka han hriat chinah chuan hemi pangbal hi a tha viau a. A insect a kha a tet zual lai lutuk hi chuanin a Eri tak tak hnah hi a ei loh chuan pangbal a ei khan a kua a tha lo thin a, a cocoon a kha a te ta bawka. Tin, a damchhuah ah pawh khanin a survival rate hi a chhe deuh mi awm a hriat a ni a. Amaherawhchu, tuna insawi thaihna ang chi a kha chu Sorakar beng chu a thleng lo ni awm tak a ni. A tet zual lai ni 2/3 ah khan Eri hnah an pek chuan tlem a a han thanlen hret hnu hi chuan pangbal hnah an ei in engmah khawlohna hran an neih hriat ani lem lova. Eri hnah awm lem lova a keu hlim atanga a rin nghal hian a pangang a kha a chhe duh deuh hlek ni a hriat a ni a, Chumi tih loh chu Sorakar atang chuan information pekchhuahna kan neih awm ka hre lova. Engpawhnisela hei hi mipuiin a hriat mamawh an nih chuan department atang pawhin lo hriattir theihdan kawng a awm ang em-aw kan lo dap ang e.

SPEAKER : Tunah chuan Question No. 4- na ah khan kal leh tawh ilangin, a zawt-tu tur Pu C. Vulluaia.

* PU C.VULLUAIA : Pu Speaker, zawhna No.4 na -

"Will the Hon'ble Minister in-charge Power & Electricity Department be pleased to state -

- (a) Whether Government proposed to give electric connection to Lunglei and Rawpuichhip, Reiek and Ailawng Villages ?.
- (b) If yes, when will the works for same be started for these villages respecting ?.

PU LALHMINGTHANGA :
MINISTER.

Pu Speaker, member zahawm takrawn zawhna (a) na chhanna kha - Heng khaw pali Lengpui, Rawpuichhip, Ailawng leh Reiek khua te hi, chumi hun ngeiah chuan electric te hi zawm a buatsaihna Sorakrin a nei lova. Amaherawhchu, Sorakrin a tum hi chu zawi zawi a hun lo kal zel tur a heng khua vakah hian Mizoram khaw hrang hrang electric pek chhoh zel a ni a.

Tin, (b) -na kha engtikah nge chu hna chu thawh anih ang tih chhanna chu - A hun tak a kha tunah hian tuk a la awm lo a nih chu.

* PU C.VULLUAIA :

Zawh belhna, Pu Speaker, kan Minister zahawm tak chhanna atang khan department hna kal ina a luan thlen hun hunah a la eng ve mai ang chu, tih tluk chiah a ni a. He Sorakar hian mipuite tan a hna tha a thawhna kawngah thingtlang lam a ngaihthah dawn lo tih sawi nuam tak hi he electric department hian a theih-nghih bik lo ani tih, khawchhak lam kan en in Burma ramri tawp Champhai te a eng a, sawlam Manipur ram lamah pawh Darlawn te a eng a, chhim lamah Lawngtlai te, Saiha te a eng a, sawmi thlang deuh lamah Chawngte, Thuampui, Jeep kal thei tawng tawng te a eng vek tawh a, Khawthlang lamah chuan han hawi mai pawh a lang thei reng khu vawin lamah pawh ala eng lova. Tin, kawng chhuanlam dawn ila Rawpuichhip te leh Lengpui te ai a kawng tha, a panna kawng tha hi Mizoram in kan nei mang lawi si lova. Chutiang ang anih lai chuan a luan thlen thlen a a luan thlen ve mai tur nghah tir kha Tlawng thlang anih vang hrim hrim a Electric Bulb pakhatmah vawin thlang a la eng lo hi he department hian a hria em? A hria anih chuan chutiang tak a pawimawh anihna chu a ngaihthah in khawthlang kam kan la hawi lova a ti mai dawn nge? lo hre lem lova chutiang anih dawn chhan tih tur rau rau ah pawh Sairang atanga Kilometre 1 awrh chauh hrui zam a eng mai thei ani bawka, a hmasa pawh kan la mai ang chu tih tumna ang te pawh he zawhna atang hian ngaihtuahna a chhuak thei em?

PU LAIHMINGTHANGA : Pu Speaker, member zahawm tak khan
MINISTER. a zawt ngaihnaawm thiam khawp mai nghe
nghe a. Sorkar chuan Tlawng thlang
lampang chu an theihngihlil chuang
hauh lova. Tlawng thlangah Bofai leh Lokicherra te pawh a
ong tan tawh a. Kumin kumtir lampang khan hawn a ni a. Hemi
Rawpuichhip te, Reiek te, Ailawng te Lengpui te pawh hi an
theihngihlil lo. Amaherawhchu, department in a harsatna tlem
tlem kan neih a hi chu kan hna thlawn thei lo ai mah in kan
pawisa lamah hian mahni pawisa nei ta lo kha chuanin Central
Sorkar atanga min pek ang ang a in nghat thin deuh kan nih
avangin kan duh angin teh hian kan ti chak thei vak lova. Chu
chu a dinhmun ani zawk a. Khutilai tulzia chu kan Sorkar
pawhin a hrefiah em em a. Entirnan, keimah ngei pawh in a
hmunah Ailawng te, Rawpuichhip te pawh ka tlawh tawh a. Chutah
pawh chuan an lo sawi a, a ni tuk lo khan, sorkarin a kalpui
tumdan kan sawi mai mai anga hei Reiek leh Ailawng te ang
te hi chu hetilai a tuna kan Serlui Micro Hydel Project kan
tih mai te hi a puitlin hunah hian a line kha a hnai thei
dawn a, tin, Sorkar tan pawh expenditure a tlem thei dawn a.
Chutiang chu chhung rilah chuan Sorkarin a lo suangtuah dan
chu a ni a. Tin, Lengpui tak phei hi chu programme a han
ziak luh a, ani sawi ni lo khan, nakum lam programme hmasa
turah te kha chuanin tintuah ani nghe nghe a, Sairang atang
khuam member zahawm tak in a rawn sawi ang a a hlat lem loh.
avangm khan, chu chu a dinhmun tlangpui chu a ni deuh mai.

* PU SAINGHAKA : Pu Speaker, Tlawng thlang lampang
chauh lo pawh Aizawl khawpui chhung
tam tak pawh a la eng lo teuh mai a.
Armed Police Veng, Ramhlun ep lamte pawh saw a la eng lova,
Aizawl chhim lam phei chu sawi loh. Radio-ah khanin tunlain
Aizawlah Hydro power alo kal dawn lo an tih thupuan ani a,
eng hi a mumal lo ta deuh a. Hei hi engvang chiah nge ?.

PU LAIHMINGTHANGA : Pu Speaker, member zahawm tak rawn
MINISTER. sawi kha a pawimawh khawp mai a.
Mipui an Chiang lo deuh hlek niin
ka hria. Hemi a chhan leh avang
bulpui ber a hi chu Assam atanga Hydel power kan lak chhuah-
na greed line kan tih mai a hi, a tir a technically a
Sorkarin a tumdan zam anih lai khan 66 K.V. kan ti mai a,
chutiang anga charge tur a buatsaih a ni a. 66.K.V. a charge
anih hianin khumi Dulub- Cherra atanga kan power lakluh
theih tur, entirnan Megawatt 10 thlong te pawh in la lut
dawn ta ila khami khan a zo tur, a buatsaih a ni a. Amah-
erawhchu, hmun thenkhat khatah that tawh lohna leh duhthusam
lohna a neih avangte leh power lakluh tur a tlem ve hrim
hrim avang khan 66 K.V. ni lovin 33 K.V. a charge ani ta a.
Chu chuan a lakluh theih chanve ai a tlem mah kha a maximum
capacity ani ta ani. Tichuan tunhma zawng zawng khan Assam
atang a kan lakluh hi Megawatt 2,102 atanga 3 te a ni a, a
tam changin. Chu chu 33 K.V. kha chuan a zawh tawh ani ta a.
Assam lam leh Meghalaya lam pawh in power kha lakluh tam
pawh duh ta ilangin mi an pe hlei thei chiah lova, anmahni
dinhmun te a that tawh thin loh avangin. Tin, kum khat kal
ta chhung vel khan Mizoram Sorakar pawhin Aizawl khawpui

thang zel ah leh veng hrang hrangah te kan line a that tawk loh danah leh Silchar leh Aizawl inkar kawngdung khua te kan lo tih en tawh leh tin, hetah Lunglei- Aizawl kawng Tuirial kan a, Tlungvel te thleng tih chhoh kan tumna ah kan dil pung zel a. Tunah hian Megawatt 7 vel chu khuta tanga min lo pe thei turin an lo in buatsaih ta'a. Amaherawhchu, a line a hi khami la thei tur a kan siamthat a, kan improve loh chumnin, kha kha min pe thei tur dihhmun ah ding mahse min pe thei dawn chuang lova. Chumi buatsaih dan tur a chu hun rei fe tawh atang khan ngaihtuah tlan zel a ni a. Assam Dulup Cherra atang a Vairengte thleng khu an enkawl a ni a. Keini in Vairengte atang a tilai Aizawl thleng hi kan enkawl a ni a. Tah chuan mahni chanlam lam a tul ang ang hi han thawk ila, Kolasib ah te keini'n Sub Station te kan siam anga, kan tia, chung zawng zawng a hnadang a kha power rawn kal khawihbuai lova thawh theih tur a kha kan thawk thei ta a. Tunah chuan Assam nen a tangruai a, hunbi siam thliah chhung a, a line a hi kan tih that a ngai ta a ni. Chuta tan chuan mi 45 kan mamawh dawn a, a current a kal that phei chuan kan hnathawktu te thawh rual a ni lova. Chuvang chuan ni 45 chhung hi chu nakin zela a that zawk na tur atan khan kan khat ta a ni a. Hemi a harsat chhung hi chu mipui lampang pawhin ngaihthiamna thinlung nei a min lo tawrhpuir hram hram kan duh a. Khar loh kha chuan kan thawk thei ta si lova, kan tumdan tlangpuiah chuanin Lunglei-Aizawl kawng tuna Tlungvel lama kal chho ta khi greed line a pek a, a tamzawk pek theih kan beisei a, khami kha kan ti puitling thei anih chuan. Tin, Hemi Mual-lungthu kawng phei saw greed-power bawk a ruahman alo ni ta a. Chuvang chuan a pumpui a han ngaihtuah in Mizoram leh mipuite tan a thil tha zawk anih avang khan ni 45 chhung chu khar turin kan han in buatsaih ta a ni.

Tin, Aizawl veng chhung hrang hrang a kan pek that theihlohna lai hi, a power tlem hi a buipui ber a ni a, pahnihna ah chuanin Transformer dahna hmun tur a hi kan van viau a, a dawt lehah chuanin Law Transmission Line bakah hianin a hruir lian deuh hlek kal tir a ngai a. Chutiang ang kalna tur hmun a chu private ram deuh vek hian a khabh tawh avangin kan harsat a, kan lehkhabu a kan scheme ah phei chuanin 11 K.V. Line hi Aizawl khawpui chhung a line tih that nan hianin Km.6 construct theihna kan nei a. Tin, Transformer ha hmun 18 vel a bun thar theihna tur kan nei a, a Transformer te pawh kan nei tawh a. Hemi L.T.Line kan tih a hi kan scheme ah phei chuan Km.25 leh 45 inkar vel buatsaihna rilru put a ni a. Mahse kan harsatna ber chu ramah a ni ta a ni. A hmain electric hnathawhna ram reserve te kan lo neih loh avangin private ram hrang hrang te nen kan sawiho kha a ngai thin a, duh angin a kal chak thei lo a ni.

* PU ELLIS SAIDENGA : Tunah hian Mizoram pumpui ah hian khaw engzatnge tih en ni tawh a, 1982-83 chhung hian khaw engzatnge tih en belh tum ?.

PU LAIHMINGTHANGA : Mizoram pumpui ah hian khaw 172 tih en tawh ani. Tun kum chhung hian Sorkar chuan khaw 21 tih en leh a tum ani, 1982-83 chhung hian.

SPEAKER : Awle, wawiinah zawhna tawp ber zawt turin Fu C.L.Ruala i lo sawm leh ang u.

* PU C.L.RUALA : Pu Speaker, ka starred question No.5-

Will the Hon'ble Minister in-charge Development etc. be pleased to state -

- (a) How many families have been benefitted by Integrated Rural Development Programme.?
- (b) How many beneficiaries of Integrated Rural Development Programme were identified and selected ?.

PU F.B.ROSANGA : Pu Speaker, 1978-79 kum atang a 1981-1982 inkar chho a Integrated Rural

MINISTER. Development Programme benefit tawh chungkua chu 4057 an ni. Tin, zawhna

(b) chhanna chu hetang hi ani; The families of the target groups under Integrated Rural Development Programme were identified on the basis of household (Baseline) survey by BDC/AO in consultation with Village Councils and Voluntary Organisations. Those families selected by the BDO and village authorities are put up before the Block Development Committee for scrutiny. After the BDC approved the list selected, they are forwarded to DRDA's of the concerned District for approval.

* PU C.L.RUALA : Pu Speaker, heng te dawng tur hian enganga thlan gne ? Heng Integrated Rural Development Programme beneficiaries te hi under poverty line hnuai lama families te chu identify an nih a, thlan an nihna dan kan Minister khan min hrilh Chiang leh thei sela.

PU F.B.ROSANGA : Pu Speaker, hemi target group ti a ka rawn sawi kha below poverty line ami te tihna ang tluk a ni a, a chhan chu guideline ah khan below poverty line amite, chung chu chungkua family member 5 anga chhutin an annual income Rs.3500/- hmupha lo chin hnuai lam zawng kha below poverty line ah dah an ni a. Tin, chung mite thlang tur chuan thingtlangah BDOte A.O te, Village Council te nena tang tlangin chung chu en chhuah an ni bawk a. Tin, chung bakah chuan Voluntary Organisation kan ti a, 1980 kum khan kan College zirlai thenkhatte hman an ni bawk a. Chung atang chuan heng below poverty line khawtina awm ni a hriat te chu Village Council te A.O. atang tein thlan an ni a. B.D.O awmna ah chuan BDO kaihrhuaina in. Tin, chu chu ka sawi angin chung mite recommend na chu BDC ah lakluh a ni a. BDC chuan DRDA ah chu chu hemi family then dan kalhmang a ni.

* PU C. FAHLIRA : Zoramah hman lo ni tawh in a lang a, kumin 1981-82 hianin cheng engzahnge ruahman ni a, cheng engzahnge hmanral tawh ? Tin, tunah hianin kum khat a kan hmanral tur kan tih thin anga kha lo hmanral thei ta lo ila. Chumi kan hmanral leh a chu a kum leh atan hman zawm chhoh theih ani ang nge ? kha kha hmuh tur a awm ta lo mai ang ?.

PU P. B. ROSANGA : Pu Speaker, pawisa kan hmuh dan chu MINISTER. hetiang hi a ni a; 1978-79 Financial Year chhung khan cheng nuai 2 ang hisap hmuh a ni a, amaherawhchu khami kum khan hun kan neih thui vak loh avangin block thlan bik deuh hlekah Community Development lam bik chuan hman a ni a, ti-chuan khami kum khan hman zawng zawng chu cheng nuai 11 hman ani. Tin, 1979-80 kum hian block 5 atan nuai 15 a pek kan ni a, block tin atan nuai 3 theuhin, tin, chumi kum a kan hmuh chu hman zawh vek a ni a. Tin, 1980-81 ah hian cheng nuai 100 ram pumpui tan block tinah cheng nuai 5 angin hmuh a ni a, amaherawhchu hemi kum hian kan hmang tam lo, nuai 15 kan hmang ani. Tin, 1981-82 ah hian nuai 120 pek kan nih lain Govt. of India in a rawn release chu nuai 60 a ni a. Chung zawng zawng chu kan hmuh tawh ani. Tichuan hei 1981-82 ah teaarrear engemaw zat a lo awm ta a, tin, 1981-82 atan pawh 50% emaw chauh release ala ni a. Engpawhnise hemi hi kan hman theih chuan kang kum kalta ami pawh kha arrear in lak min phalsak vek ani.

Hemi ah hian a thawktu kan neih that vak loh avangin tunah hian a ram pumpui a Integrated Rural Development Programme hi thawh that zawk anih theihna turin a thawktu tur staff sanction kan nei a, project director te, statisticial officer te tin, block level ah extension officer 5 theuh loh village level worker 5 theuh, chutiang chu hetiang thawk tur hi kan nei tawh dawn a. Chutiang chuan heng kan tangka hman theih loh awmkhawn a te pawh hi staff recruitment hi kan tihfel theih chuan hman tam zawk theih anih beisei ani.

* PU SAINGHAKA : Pu Speaker, Integrated Rural Development Programme hmu thei tur te, kan Minister khan poverty line hnuai ami te chu an family member 5 an nih in kum khat a an income sang thum zanga (3500) hnuai lam ti khan a sawi a, chuti anih si chuan Mizoram pumpui a mi tam ber ahi chumi poverty line hnuai ami chu kan nih hmel a, chuti anih si chuan engtizian nge pawisa kha hman theih loh a a awm ? Tin, Block Development Committee ah khan preliminary selection khan an nei ni in a lang a, village council te rawn in. Chutiang a khua a miten an recommend ngei ngei te pawh lungdar Block hnuai ah chuan hnawl tam tak an lo awm leh si a. Chutih lain pawisa a awm teuh bawk si a, hei hi engvang ngo ni ?.

* PU JOE NGURDAWLA : Pu Speaker, hemi Integrated Rural Development Programme hi bih ngun a ngai viauin ka hria a, min lo ngaidam lawk la. A chhan chu kan hmanthat loh chuan mipui rilru tichhe thei thil a ni a. Hemi hi evaluation ngain ka hria a, an hmang tha em ? an benefit tak tak e, chumi anih loh a, mumal mang lo a kan kal chho anih chuan a target diklo a kha kan kan dawn tlat mai a, a tam poh leh kan chhiatpui emaw ani mai dawn a. Chuvang chuanin kan hman tawhna hi evaluate ngai dawnin ka hria a ni. Sorkar in arrangement a siam thei ang em ? Helai a a zawhna hmasa a (a)-na ang deuh mai hianin Integrated Rural Development Programme hian chungkaw engzat nge a chhawr tih ang deuh mai hian chungkua hi kan in chhawr mai ang tih a hlauhawm deuh a ni.

* PU K. BIAKCHUNGUNGA : Pu Speaker, nichin ah khan kan Minister zahawm tak khanin Village Council te leh AO ten a hmu tur a te an lo thlanga, tichuan Block Development Committee ah lutin a kal a ni tih kha a rawn sawi a ni a. Khatah khan kan sawi duh chu BDC kha Block Development Committee tihna ani phawt anga. Kha kha engtiang a siam nge?. Tu te nge member tih kha ka zawt duh a, tin, a pahnihna ah; AO leh VC ten an thlang anih khan BDC level ah khan AO te hi an tel zel em ? an tel loh chuan telh a tha lawm ni ?.

* PU C. PAHLIRA : Pu Speaker, hei, nichin a member pakhat in a rawn sawi ang khanin helai IRDP tangka hman chungchang ah hianin fimkhur ngai taih kha ka pawm thlap a. Tunhma zawng khanin subsidy leh EGS kha mipuiin kan hriat phah ti khan an sawi nuai nuai a. Tunah IRDP ah hian tangka tam tak mipui zingah kan han tiral leh dawn a ni a, zawhna pakhat a kan neih tur niin ka hria a. Chumi rual rual chuah he tangka tam tak hi Central Sorkar in hman dan tur a rawn ruahman ang lo deuh hian kawng dang in a leh theih lawmni ?. Hei, kan hriat theuh angin thlai tha duh em em India ram pumpui leh foreign ah hian thawhchhuah tlak thar theih kan ngah em em a. Heng a thawktu tak tak te atang hianin heng pawisa hi a lei nan ruahmanna lo chher ta zawk ila. Tichuan mipui kan taima anga, chu chuanin kan hotu te lak a intlansiak tumna a awm lo anga, a ram pum in chu chu hmasawn nan a hmang zawk lovanga maw ?. Chulai chu a kawng kan hotute hian an hmu mai zawk lo'm ni, a leh dan ? tih kha ka'n zawt tel duh a ni.

* PU C. L. RUALA : Pu Speaker, kan zawhna tam tak kha chhan ngai vak lo niin ka hria a. Kei erawh chu chian lohna ka ngah deuh hlek a. IRDP hi kan Chiang lo tlang hle emaw ni chu aw ! ka ti a. 5th Five Year Plan tih hlawhtlin nan a thil pawimawh ber anih avangin Sorkar in a ngai pawimawh em em a. Tin, poverty line hnuai lam a awm te kha poverty line chunglam a hlankai tumna a awm deuhhavangin theihtawp chhuah a Sorkar in hetah hian pawisa a awm ang ang pawh

hman daihzai a thain ka hria a. Mahsela guide line té kan han chhiar ve a, mahsela guide line angin a kal meuh lo niin ka hria a. Guide line hi Sorkarin a pek dan chuan IRDF ah hian mahni kut a ding thei tur a thalai themthiam zirna a an zir theih nan a buatsaih a ni a. Chutah chuan thalaite thlan an ni anga. Thla hnih emaw thla ruk emaw training pek an ni anga, Rs.100/- thla tin pek an ni anga, tin, themthiam an zirna kawngah khan an hmanrua/ an büngrua leinan Rs.250/- pek an ni ang tih te a awm dim diam a. Chutiang chuan thalai pawh hi thlanchhuah a, training pek chu kan nei meuh em aw tih ka ngaihtuah viau a. Chutiang a thalai thlanchhuah a training pek te chu hmuh tur an vang hle a. Chuti anih si loh chuanin nichin a kan hlauhthawn tak a kha engtingge hemi hi kan hmanthat ang ?. Kan hman that loh chuan hman a kan pawisa neih thin te ang khan a kalral leh mai mai ang tih hlauhna kha a lian viau dawn a. Chutiang chuan hei pawh hi engangin nge Block tin atanga thalai 40 zel instruction pek turah hian thlan an ni em tih hi kan minister in min hrih thei sela.

Tin, 1981 leh 82 leh 83 chhungin family engzatnge thlanchhuah a, chutiang anga IRDP benefit tur a kan neih tawh ka zawt duh bawk a. Tin, Sorkar in a Guide line an sian vek ah khan Antodia approach should be follow in selecting beneficiary tih a ni a. Antodia approach kha kan hre ve mang lova. Antodia approach kha engnge ni tih kan minister in min hrihfiah thei sela.

SPEAKER :

Awle, zawhna dang zawt duh pawh in la awm a, minister pawhin a chhang dawn a. Amaherawhchu, kan dan ah khanin question hour hi darkar khat tur ani tih a ni a, chuvangin a pelh hnu ah pawh a tul chin chu ti tho mai ila tih kha kan remti tlang em?. Tin, zawh belhna kha tlem la zawt duh an awm anga. Tunah House in one hour bak kha kal pelh mai ila a laklawh bawk a kan ti tlang anih chuan zawh belhna dang a pawh kha ravn zawt leh ula, mahse a comment lampang kha in ti deuh zel a, a zawhna takah khan lut thin ila a tha viauvin ka ring.

* PU HIPHEI :

Pu Speaker, 1978 atang khan IRDP hi hman tan a ni tih kan hria a, kei ka lo hre tlai khawp a, kumin atang chauh khan a hming hi hre ve niin ka in hria a. A chhan chu khilamah a pawisa an semdan hi khawngaih takin kan minister in hemi family sang 4 leh 57 te hming hi ziak in min pe thei sela. Tin, Block-Wise Allotment pawh kha min pe thei sela tih ka duh a ni. Chu chu min pe thei ang em?. Min pek theih loh chuan khami chhang tawh a a sawi te pawh hi kei ka ringhlel tlat a. A hming pawh hi kan hre tlai ani, MLA te pawhin. Chuvangin heng te hi thil dik lo a awm ka hlauh avangin khami a list leh an semna kha, leh pawisa an semna block-wise allotment kha min pe thei dawn em ?.

* PU LAINGHENGA : Pu Speaker, nichinah khan member zahawm tak khan Block Development Committee thlan dan thu, tu tu te nge ni tur tih kha a zawt a, khami thlan danah khanina tih dan ang te lo khan in tihna lo awm ta sela. Chung in a an select te kha pawm luh talh tur tihna a ni chuang em ?.

* PU C.VULLUAIA : Pu Speaker, IRDP tangka a tam tak awmna hi kan ngaihthlak tak ang khan mipui tih changkanna tur a ni tih kan hria a. Amaherawhchu heng thawk tur hian kan project director te, kan project officer te khutah village level worker thlengin mihring tam tawk an awm tur ani tih ruahman fel diam a ni a. Chung awm loh avang chuan em ni heng nuai 100 atanga nuai 15 lek te kan la hman leh chauh thin tih ka zawt a, tin, engatinge chutiang mihring chu department tin atanga va hawhchhuah a, he IRDP office ah hian deputation a thawk sup sup tur an nih a, Mizoram Sorkar ah hian tunge maw dan siam, hetiang hi kum 4 anih thleng pawh a officer pe thei lo hi khawiahnge maw dan a awm, dan a awm anih loh chuan a nuai tel thi leh mai thin leh kan draw hleih theih loh hi a hmangtu an awm loh vang ani tih hi mi sawi hi a dik em?. Khawng a hmangtu tur te kha?. Village Level Worker te chu appointment an siam a, an la a officer chin kan Sorkar in a pek turte a pek lohna chhan hi minister in min hrilh se ka duh a ni. Chu chuan kan zawhna tam ber kha a chhang ang tih ka ring tlat bawk a ni.

PU P.B.ROSANGA : Pu Speaker, zawhna a tam tham viau MINISTER. a. Amaherawhchu, tuna zawhna hnunng ber zawttu zawhna lam atang khan leh chhan ila, a fiah thei thawkhatin ka ring a. Hei, staff kan neih tur hi tam tawk tak a ni a, project director pakhat kan nei thei a, evolution lo ti tur in statistical officer kan nei thei bawk a. Tin, block level ah hian extension officer panga zel leh village level worker panga zel awm tur a ni a. Tin, district level ah Project Officer pakhat leh Assistant Project Officer panga, Head Assistant leh staff dang Ministerial Staff te an nei thei tur a ni a. He staff sanction kan neih hi tun current year a kan neih chauh hi a ni a. Tunah hian recruitment chu buaipui mek a ni a. Tuna zawhna zawttu zawh ang khan Extension Officer tur hian thiamna bik nei, qualified technical person te an ni deuh ber a. Entiman, Agriculture Extension Officer, te, Industry lampang Extension Officer te. Khatiang thliah thliah kha department atangin kan duh ang min pe duh mahse kan mai power resources zawk hian a tlin rih lem loh avangin harsatna tam tak a awm a. Chu chu kan harsatna pakhat a ni a. Tin, direct a pawlam mi kan recruit theih tur te chu tunah hian a theih ang chin chin chu kalpui zar zar a ni a. Tin, heng Extension Officer tur pawh hi department hrang hrang atanga in thehchhuah theih ang ang a chu tunah hian min pe tan hlawm a. Chuvangin hemi a thawktu tur a hi tunah hi chuan kan in peih chhuak lek lek ani. Extension Officer tur te hi department hrang hrang in min pek theih ang min pe a, tin, project officer tur te pawh hi ruahman chhoh a ni a. Chuvang chuan heng staff awm

lova hnathawh hi harsatna a tam em em ani. Aizawl South Constituency aiawh (bialtu) zahawm takin a rawn sawi ang khan beneficiary tur tam tak village level atang te, block level atang te a tam tak awm lain lehlamah Sorkar in chung mite chu pe kim lovin tangka hman theih lovin a dah bawk si a han tih te pawh kha a tlangpui **thu** ah harsatna a awm a, a chhan chu village level a selection an rawn siam te pawh kha anihna ang chiah chuan verification siama below poverty line ami anih ngei leh ngei loh te hi hriat kher tur ani a. Chung ang ti tur chuan a thawktu tur staff kan neih theih loh avangin a harsa em em ani.

Tin, member zahawm tak Sateek bialtu te leh Khawbung bial lampang ami ten an rawn sawi ang kha he IRDP ah hian thil ven ngai ber te zing ami ani. Mizoramah hian pawisa awlai avanga kan moral tiche thei tur ven a ngai zual a, chuvangin evaluation hi a pawimawh em em a, chumi ti tu tur pawh chuan a staff componen ah hian Statistical Officer te siam a ni a. Chuvang chuan hei hi kan tih puitlin theih hun hun chu kan thawh chak theih hun tur ani anga. Ka sawi tawh ang khan hemi kan neih theih hun chuan a tih tih a mi tawh pawisa kan hman theih loh pawh kha hemi Rural Development Department hian tangka chu min phal reng a ni. Chuvang chuan heng kan staff buatsaih tur a te hi puitling se tun aia tha zawk a kal theih a beiseiawm ani.

Tin, thalaite training chungchang **thu** kha zawhna rawn siamtu khan a rawn sawi kai a. Hemi IRDP hnuaiah hian thalai te training theihna chi hrang hrang pawh awm tur a ni a, scheme lian tak buatsaih a ni a. Chumi atan chuan engemawzat chu thalai pawh kan thlang ve a. Amaherawhchu, training facility hi Mizoramah hian kan nei chau em em mai a. A chhan chu heng a train te hi anmahni kut ke a an intodelh theihna tur zawng a training a ni a. Sorkar hnathawhna tur ang zawng a training a ni lova, anmahni eizawna kawng lo thawh thin tih chakna atan a training chumi programme chu a ni a. Chuvang chuan khatiang training han pe thei tur kha tunah hian kan dap kan dap a, Industries Department lampang atang te in kan han ti a. Training duh tam ber chu Driver hna training duh te an ni a. Mizoram hian driver trainingna tur institute kan lo nei mang lova. Kan neih theih ang thil-ahthe hian kan thalaite kha an lo tui mang si lova. Chulai ah chuan department hian harsatna lian tak a nei a ni.

Tin, Antadia System ang a kal tur ani tih kha keipawh ka chiang vak lova. Hemi Antadia hi Rajasthan state a thingtlang (Rural Development Programme) an thawhdan kalhmang ani awm e. Chutah chuan phat chi ni in ka hre lova, ka chiang bik lo ani.

Tin, sawlampang Saiha Constituency member zahawm tak, Tuipang Constituency member rawn zawhna kha - benefitted family te list min pe thei em tih te, block-wise an allotment kalhmang min pe thei em tih te a ni a. Engpawhnise heng hi a tam viau dawn a, tun maiah chuan ka pe thei lo ani. Amaherawhchu, Sorkar Office ah record fel tak dah vek a ni a, tangka dawngtu te an nih avangin, block-wise a allotment an pekdan te tin, chung a family list te chu Sorkar chuan a kawl vek a. Hemi IRDP programme an kalpui dan hi Central atang pawhin a chiang vak bik lova, a tir lamah kha chuan kum khatah block thum kal chho zel a, a tangkaina hria in min pek dan kha a zau

hrat hrat a. Tichuan 1980-81 vel atang kha chuan block tin kha in ang khat vekin, a rampumpui ami kha angkhat vekin min pe ta a. 1980-82 ah kha block tinah nuai 5 hman tur a pek kan ni a. 1981-82 ah block tinah nuai 6 hman theihna pek kan ni a. Tun current year 1982-83 ah hian block tinah nuai 8 hman theihna pek kan ni.

BDC Selection kalhmang a hi chu hemi CD Department hian BDC kaldan kalhmang a nei ve a. BDO kha block area chung zawng a hotu ber nih chu BDC in a chang a tin, chumi hnuaiah chuan grouping centre a AO te kha member an ni a. Tin, chumi bakah chuan public lam atang a bial aiawhtu MIA te member an ni leh a. Tin, khaw hrang hrang aiawhtu bik pahnih emaw theuh kalkhawm chu an ni. Chu chu BDC kan tih hi a ni a. A tlangpui thuin block level te development committee te hi a siandan rules fel tak department in an nei vek a. Chu ang a siam chu an ni.

SPEAKER :

Awle, nichin kha zawhna pawh hi, zawhbelhna pawh hi 5 bak phal ani lova, a pawimawh em avangin kan han phal ta a, hun pawh kan kalpel duai tawh mai a. Chuvangin khami kha chu a hrechiang duh chuan department ah emaw kan Minister hnenah pawh a mimalin a hrechiang duh chuan a zawh theih tho ani. A kip a kawin a tih theih tawh lova, ani tan pawh lo in prepare vek sen ani. lova. Chuvangin kan business item dangah kan kal leh tawh anga. Tunah chuan tun kan session tur chungchanga Committee BAC in calendar a siam kan han report anga. Ni 19th October, vawin ni atang a tan hian ni 25 ah zawh tur a tih a ni a. Tunah a copy kha han sem sela a tha awm e. (a copy sem a ni a.)

Committee hi Rule 219-na angin BAC Committee Member Pu Joe Ngurdawla'n House pawm turin han move sela, amah i sawm ang u.

* PU JOE NGURDAWLA : Pu Speaker, tun tum kan session a kan calendar hun hmandan tur programme Business Advisory Committee in ngun tak a a lo thir a, a lo ruahman tawh hi he House zahawm tak hianin pawm turin ka ngen e.

SPEAKER :

Awle, kan pawm vek thei mai lawm ni ?.

* PU SAINGHAKA :

Pu Speaker, committee hian ngun tak a siam an in ti a. Vawin ni ah hian kan programme ah hian introduction of revenue assessment (amendment) bill tih a awm a. Hei hi kan minister incharge in a rawn introduce dawn niin a lang a. Chu bill a chu ni 21 mai hian consider tur ni awm in a lang leh ta a. Hei hi amendment anih avanga thil danglam anih si loh chuab, hemi kan dan 67-na ang hian a bill a hi

publication gazette ah objects reasons te leh financial memorandum te nen Speaker phalna in tih a ni tawh em ? Tin, la ni lo ta sela 76-na ah hian introduce hnu ah khan gazette tur a ni a. Tin, a consideration tur phei chuanin a bill copy. a hi 77-na para hnuhnung berah khan, 'Provided further that no such motion shall be made until after copies of the bill have been made available for the use of members, and that any member may object to any such motion being made unless copies of the bill have been so available for 4 days before the motion is made and such objection shall prevail unless the Speaker in his discretion, allows motion to be made' kha kha nangmah in a discretionary power atang a ngaihtuah hi i phal anih nghal loh chuan hemi ground hianin hemi a consideration a hi ni 25 lut thla tur hian phal sela, tah chuanin kan dan ang hian kan kal zawkin a rinawm ani.

SPEAKER :

Awle, khami chungchang ah kha chuan khami bill kha hemi House a kan lo hmuh kha Zirtawp tlai khan kan lo hmu chauh mai a, Sorkar lam atangin. Chumi chu han in pekna hman turin a tuk kha ni 1 chu ani mai a, Sunday a lo tla a, wawin ani leh mai a, ni 3 a ni a. Amaherawhchu, kha-mi rules in a a interpretation zawk a chu, a copy kha ni lovin bill ngaihtuah tur a House a introduce hnu ah ni 4 a la awm em tih zawk a ni a. Mahse chumi a pawh chu ni sela a introduce atanga ni 4 a pawh kha ni ta sela, tunah pawh hian kan session chhung hi ni 5 chauh a ni a. Kha kha a buaithlakna tam tak a awm thei dawn in a lang a. Chuvang chuanin Rule No.77-na hian tunhma a kan kal ang hianin kan kal lem lova, a chhan chu session te a lo fei deuh thin avang khanin. Ni hranah a discuss ni kha chu a awm mai thin a, khami ni 4 chhung kha chu a awm tho tho dawn niin a langa, a discuss tak tak leh a. passing phei kha chu. Vawinah hian kan ngaihtuah dawn lova, a bill kha introduce chauh tur a ni a. Chuvangin khami ni atana ni 4 chhung emaw kha chu pawm theih mai awm tak a va ni ve mawle.

*** PU C.L. RUALA :**

Pu Speaker, hei ni 21 a kan business turah hianin passing of the bill thlang khan a awm a ni. Chuvangin discretionary power kha an hman dawn anih loh chuan dan chu a kalhsa dawn reng reng a, kan introduce atang khan a bill copy chu kan la hmu lo bawk a. Zirna hun kan nei lo hi pawl ka ti ber a kei chu. Hmanhmawh deuh a kan tih chuk chuk a kan pass khan engmah rilru fima han ngaihtuahna hman pawh nei lovin kan ti a. Tin, chumi bakah chuan bill kan han pass a, entiran, Animal Control Act Bill kan han pass a. Chu kan dan atang chuan department in rules an han siam leh a. Chu dan chu a tha nge tha lo a fel nge fel lo tih endik turin helaiah Committee on Subordinate Legislation kan nei a. Chumi ah pawh chuan kan thlir a, a tha e, a tha lova kan tihne ka la hre reng reng lova. Helaiah kan Chairman zahawm tak a awm a, a hre mai thei a, an lo ngaihtuah anih chuan a tha a, mahsela chutiang pawh chu awm lem lovin mipui hman turin kan han ti phawt ta mai a. Nimin piaha lawka Lawngtlai atanga ka lo haw in mipui an buai lutuk, a chhan chu sikul naupang okzam a hun tep a, sikul

naupang bawng zawng turin an tirh theih lova, zingah va thlah turin an tirh theih lova, ' phurh loh chuan cheng chuti zat chu ' an inti dawn si a. Nupa inthen lek lek te pawh an awm ani. Chutiang chuanin vawi leh khatah kan han ti thut mai thin a. Grazing Ground ~~h~~ nei ang u ti a Kan rawt thin kha, grazing ground pawh kan la nei si lova, an va kai ehhuak a ramah an va dah ringawt a. Kha kha an mawhpurah an dah ve tawh mai ani. Mahsela huan a lo awma, lo a lo awm chuan chutah chuan an lut leh a, an buai zia mai chu. Chutiang chuan ngun deuh thlep thlawp a ngaihtuah lova pass thut kha a pawh theihna a awmin ka hria a. Chuvangin kan bill ngaihtuah tur a hi dan bawhchhe lova tih theih dan ber chu kan rule 77, last para kan tih theih dan chu Speaker pawh ina discretionary power hi hman loh a, tluang taka a kal theihna tur atawp ni ah hianin kan sawn a ni in ka hria a. Vawinah bill kan la hmu lova, naktukah kan hmu dawn nge pawh kan hre lova. A tuk leh a han sawi a han pass nghal mai tur kha chuanin i ti lovang u tih rawtna chu a tha khawpin ka hria.

* PU JOE NGURDAWLA : Nia, khami pawh kha kan ngaihtuah ni pawh khan kan ngaihtuah ngun viau a, amaherawhchu, sorkarin House a member ang hian sawi mai ila. Helai ahi lo pek tawh ang deuh hlek a ngaihtuahna kha kan nei nual in ka hria a. Kan han sawi kha dan dik tak chu a ni a. Khami considerna tur khan bill pawimawh tak a ni a, hun awl a kha tunlalah chuan. Amaherawhchu, sorkar business dang a awm loh em avang. hian hemi hun chhung tur khami nghahna atana han cho chhoh ngawt a kha thiam deuh hlek a ngaihtuahna te pawh kha a awm a. Chuvang chuan helalah hi chuan thil a kal mam zawk nan, chumi a ngaihtuahna lai tak phei kha chu kan dan bu a awm anga tih a pawh chu awm lo tihna lai reng reng ka nei lova. Amaherawhchu ngaihtuahna pakhat awm a chu, a dang a government bill a awm lova thildang, khami hma kha chuan tihtur dang vak sorkar thil chu kan nei dawn lo tihna chu ani chho leh mai a. Chumi hun zuk sawi a chu a uiawm viau mai khan a hriat a. A tlangpui in House hi Government official bill leh khami awm lo kha chuan a thu te hi a zahawm vak lova. Chuvang chuan chuali pahnih a chu member ten an rawn sawi a. Amaherawhchu committee chuan khalai a kan hun hlu tak a kha ti hian hmang tha zawk ila. Khalai dan leh dun lai a kha chu member ten an ngaihtiam tlang chho mai ang tihna rilru a an rawn siam a ni a. Chu chu han ngaihtuah tlan viau pawh thain ka hria ka ti.

SPEAKER : Sawi duh dang nei kan awm em? Hei hi House pawmpui tur a pharh anih tlat avangin kan pawm a nga tlat mai a. A pawm lo kan awm anih pawhin nakinah vote te pawh kan la la tho anga. Tin, vote lak ngai lo pawh a thiltih theih tho a ni a. Tib, a tlangpui chuanin hemi dan hi in-kaihhruaina fel zawkn tur atan a tih a ni a. Chuvangin hemi dan hi tihdanglam theih loh tih anga awm pawh ani hranpa chuang lova. Kan convinient ang deuh hlek a recruitmen democratic norms emaw kan kalpel anih loh chuan siam danglam theih tho ani a. Chuvang chuanin sawi duh dang nei in awm em aw ?.

* PU HIPHEI : Pu Speaker, a dan kha chu Speakerin a tul lai a tih danglam theihna dan a nei tho a. A dan ang chiah a kan kal loh chuan tha lovang tih pawh thil dik ber a ni lova. Amaherawhchu dan kan siam hian siam chhan a awm thin a. Engatinge he dan hi siam a awm kan tih chuan hun thawl deuh hlek member ten an nei a, kha bill kha lo bih ve na hun an neihna tur kawng buatsaihin he dan hi a awm ni awm tak a ni a. Chuvangin a dan anih hrim hrim avanga zuk ngaihsan ni lem silo, a tulna zawk tak kha a nia zuk thlir ngai a chu. Chuvangin tunah ni khat pawh nei lovin kha bill kha lo ngaihtuah leh ta ila, rilru nei mumal lo tak kha kan pass leh emaw ani dawn a. Tin, tuna B.A.C. ina programme an rawn siam tawh, 25th October, 1982 a he session hi zo tur a an rawn ti hi tidanglam chuang si lovin khami a ngaihtuahna hun tih danglam a kha chu hun thawl zawk kan neih theihna tur kawng ani bawk a ni 25 ah chuan sawn ni mai sela. Khatiang zavng a kaldan kha awm thei sela tih ka duh khawp mai Pu Speaker. A awm lo lutuk a ni.

* PU LAL THANHAWLA : Pu Speaker, hei kan business list hi han en hian a thawl ang reng viau mai a, business tam tak sorkar lam atang pawhin kan nei lo niin a lang a. Chuvangin dan vawng ni pahfawm bawk si in tu te tan mah a harsatna awm hranpa lem lovin a last date, 25th. ah hian - ' any government business ' tih a ni leh ringawt a, hemi ah hian sawn thla leh ta mai ila, tichuanin kan dan zawm ni pahfawm bawk siin engmah harsatna tehchiam awm lem si lovin kan ti thei tihna anih mai hmel in ka hria ka ti. Chu chu a awlsam in ka ring mai. Hei, ni 22 -ah te pawh hianin business danglam tehchiam a awm chuang lem lova. Chuvangin business kan Deih loh leh kan awl deuh ani mai a, a last date ah hian duh leh kan awl duai mai anga.

* PU SAINGHAKA : Pu Speaker, a bill hrim hrim a kha amendment ani mai a. Kan Minister lam leh Sorkar lam pawhin nikhat thilthu a sawi zawh a pass nghal mai theih tur awm angah chuan an ruat anih loh chuan tuna kan programme awm angah hi chuanin programme a kha kan bawhchhe tho dawn reng reng. Harsa lutuk anih lem loh chuan nikhatan khan kan zo tho tho dawn niin a lang a. Mimal ina kan han thlirna ah chuan extension thil te a ni a, hmanah pawh khanin kan han pass liam mai a, ngaihtuahna chianguang nei mang lo te pawh kan ni anga then chu. Tunah pawh hian hemi a tax khawndan tur chungchang thuah hianin a main act nen akhaikhin deuh hlek pawh a ngai mai thei a, hun thawl deuh hrim hrim a pawh kha a tul a. Chuvangin tun tum a kan BAC ina programme an lo siam tawh hi amend vek ta mai ila a pawina a awm lo viauin ka ring zawk a, kan Minister lam pawhin a harsat dan leh dan loh a te pawh kha han sawi lawk theih te pawh ah nei mahna.

* Speech not corrected

* PU JOE NGURDAWLA : Pu Speaker, hemi chungchang hi sawi chian a ngai viau ang rengin ka hria a. Hemi hi BAC a kan han ngaihtuah kha kan member ten a an rawn sawi duh viau kha kan ring a. Chuvang chuan hemi kan rules ami kha chu zuk tidanglam deuh mai ila. Thil tawi te a zuk amend tum lai a kha a zuk study harsa vak lo ani dawn tlat mai a. Tawi te ani leh thung a, amendment tur lai tak a kha chu. A that leh that lohna kha member zahawm tak te kha sawi kha an duh viau kha kan han ring ta a. A zuk study tur lai a chu tawi te ani, a dik tak chuan. Chuvang chuanin khami dan a kha lo awm mahse kan Speaker zahawm tak ina hei hi a sawi tawh ang kha 'any government business' ah pawh hian discussion kha a la kal zel duh kha kan ring zawk a. Chuvang chuan helai a engemaw a rem-chang chuan kan rules a lo awm tawh kha chu convinient atan tih deuh mai a ni a. Engemaw chang chuan member ten tha kan tih chang chuan a tidanglam theih deuh zel a. A zuk study lai tak tur amendment a kha tawi te mai a ni a. Amaherawhchu a that leh that lohna tur kan han sawiah chuan beih ngial theih thil ani zawk dawnin a hriat leh a. Chuvang chuan hemia tel loh chuan government business dang awm mang si lova, tuna kan rawn chhut chhuah a hi khami zawng a zuk ngaihtuah kha chuanin pawmawm tak ani ve tlat a ni.

* PU C.L.RUALA : Pu Speaker, government business a awm loh chuan question hours zawhah chuan kan bang mai thin kha a ni a, ban hma deuh ni pawh chu ani mai anga. Engpawh nisela kan member zahawm tak kha member tinin sawi kan duh theih anga a ti a. Ngaihtuah mang loh a sawi teuh tur chu kan hriat pawh ka ring mang lova, sawi teuh tur a awm chuan ngaihtuah viau a ngai ang tih ka ring a, ngaihtuahna hman a ngai viau dawn, chhlar tur a tlem si. Ngun taka ngaihtuah hnu ah pass a ngai dawn a, chuvang chuan ngaihtuahna hun a kha kan neih theihna turin a tha lawm ni tih ani ami a. Engpawh nisela sorkar a move tu ten chuta pass mai tur chuanin amendment han tih ah kha chuanin BAC in programme an lo siam tawh sa chu tan tun pawh kan tum lem lo. Mahsela ngaihtuahna hun deuh insiam sak hi chu a tha khawp in ka ring. Bill kan introduce a, kan pass mai dawn anih phawt chuan.

SPEAKER : Awle, khami chungchang ah kha chuan in nichin a Pu Ngurdawla rawn sawi ang khanin mi tam tak in sawi kan duh dawnin a lang si a. Chuvang in a introduce a hi hma sela, a passing a hi chu nitin pawh in 'any government business' tih ani thla zel a, hemi ni ah hian kan la pass thei lo a nih pawhin a thlakna kha a awm zel tho mai a. Ngaihtuah chauh ni dawn ta se chuanin ani tawp berah hianin kan in nawh chi viau zawk dawnin a lang tlat mai a. Chuvang chuan in a introduce a hi tihma ila, vawiinah a copy kan sem anga. Tin, naktukah pawh khami business a kha a la awm leh ta lova, ni 21-ah kan ngaihtuah tan dawn ta a. Tah chuan tam takin kan sawi duh anih chuan chumi ni ah chuan kan pass thei lo dawn pawh ani mai thei a, tin, khami ni 25-ah pawh kha kan la sawi duh zel takin tiin kan la dah awl ta zawk a ni a.

Kha kha a fang viau dawnin kan hria a, koini committee ina kan han ngaihtuahdan kha chuan. Chuvang chuanin hei hi a pawmahawm em em dawnin ka hria a. A ni tawp a tih nghek a, kan sawi rei viau dawn anih pheih chuan zanlai thlong a tih-chhoh ang chi ai kha chuanin a tan lampang kha hma ta zawk ila. Tichuanin a ngaihtuah hunte kha kan nei tam theih zawk anga tih ngaihtuahna a awm a. Chu chu a tha zawkin kan hre ta duh ani, kan session chung kha a rei, loh avangin. Chu chu pawm mai theih ani zawk lawm ni ?. Pu C.L.Ruala te pawh khanin an rawn sawi a.

* PU J. THANKUNGA : Pu Speaker, Committee kalmang han en pawh khan helaiiah hian committee tura tih te pawh kha ngun takin government lam leh opposition lam te pawh telh tho a ni a, a tha em em a. Hetiang hian pass tawp mai ila a tha mai ani, kan dawn hma leh naktuk tuk leh a ngaihtuah tur a tih pawhin kan chhian hma ani mai a. Zirtawpni daih ah pawh khan dah ila, a hma daih chuan kan lo en chuang lo feng feng a, a awmzia tak chu, heng hi dawn hma avanga lo zir ngial a, lo hriet belh tehchiam tur pawh a awm lem lo anga. Chuvangin sawisel tur zawn hrim hrimna avanga han tihbuai ve mai mai a anga. Chuvang chuan a dan chu a siamtu kan nih ang ngeiin helai a kalkhawm tena a nite chu kan duh duh a kan fix theih a ni mai a. A bu a inziak ang kher kher lova thil remchang te pawh hi a lo awm ve tho bawk a. Chuvang chuanin naktuk nileng kha kan la nei bawk a, kan duh anih chuanin tawi te a ni an ti bawk a, tawi te te pheih chu ramkhat hruai tur a thlan tlin theuh te chuan chuti tehchiam a buaipui thamah pawh ka lo ngai tehchiam lova. Chuvang chuan hei hi i pass mai ang u. Inhnial hi a rei mai mai a, a buaithlak e a.

* PU SAINGHAKA : Pu Speaker, hei hi House a kan tih-dan fo anih chuan a tha ka ti lova. A thu leh hla a sawi chuan programme ah 'any government business' khan a zui thla a, sawina hun a kha chu a awm an ti a. Mahse lehlam a ngaihtuah chuan kei-nin a kan rawn point out kha a rules pangngai ang duh khan kal ila, a harsa chuang lem lo ani lawm ni tih ani mai a. Wawin ni a introduce te nakinah pawh i ngaihtuah nghal ang kan tih chuan ngaihtuah mai theih awm rules anga kan kal dawn lo anih chuan. Engahnge naktuk tuk leh kher ? Engahnge naktuk ah pawh kan tih mai loh ? tih kha ka question zawk a ni a. Dan anga kan kal duh lo hrim hrim anih chuan naktuk ah pawh ngaihtuah nghal ila ani mai alawm, kan minister khan han sawi ve phawt sela.

* PU JOE NGURDAWLA : Pu Speaker, khami kha chu minister sawi loh pawh ani chuang lova. Hemi calendar chungchang hi chu BAC lam-pang atanga rawn sawifiah kha a ngai a. Tuna kan member zahawm tak kha chuan dan kan pawisak loh chuan..... tih ang reng, a duh duh a tih ang chi kha ani hauh lova. Dik tak chuan 'any government business' kan tih reng reng a kha a ruk tak chuan member ten hun kan duh tam kha kan ring zawk a, a dang lo kal tur pawh engmah anti-cipate a awm zawk lova, a awm pawh ka ring zawk lova.

Chuvang chuan hun kan nei tam zawk mahna tih rilruk a ni a. Tin, 'passing of the bill' tih ang chi reng reng a hi khami ni ah khan kan pass dawn tihna ani lova, consider na tur a sawina tihna ani mai a. Chuvang chuan in hriatthiam zhat sak duh ila chuan hemi BAC ina kan rawn tih a hi chu kan hun neih tam theih dan zawk ngaihtuahna rilru a ni a, thil puitling tak chu ani khawp mai.

* PU C.L.RUALA : Pu Speaker, Dan kan ngaihsak lohna ang hi chu awm chu a awm chuang a lawm. Naktuk tuk leh a introduce a ngaihtuah nghal in han fawt anga, a theih loh hei kan dan hi kan object thei ani kan han ti anga. Chu chu ania kan duh loh tak chu ni. Introduce rual rual a ngaihtuah (Speaker : a calendar kha in chiang lo anih a rinawm a, wawiin ni hi introduce ni tur a nia maw) Aw, chu naktuk tuk lohah ngaihtuah tur a ni ta a, kan la ngaihtuah thei hleinem, ni 4 a la kal hleinem, a introduce hnuin kan object thei alawm kan ti anga, kan objectna kha enyahmah min ngaihsak leh dawn lova, chu chu dan kan bawhchhiatna tur bul chu ani chiah ani. Chhah anih chuan kan kaltlang thei mai lawm ni tih kha a ni a, kha kha in tih chuan a tha mai a lawm.

SPEAKER : Awle, Pu C. L. Ruala a rawn object hmasa ber tu pawhin a pawm theih mai alawm a ti bawk a, kha kha chu kan pawmtlang ani mai lawm ni ? A tha anih chu, a lawmawm e. A nih leh tunah chuanin tun kan inkhawm kan session hun chhung atan a Panel of Chairmen hmang ka rawn chhiar chhuak anga -

1. Pu C.L.Ruala
2. Pu C.Pahlira
3. Pu C. Vulluaia

Hei hi a kaldanah chuan Speaker emaw Deputy Speaker emaw a theih loh chuan a order ang hian no. 1,2,3 ti a kal tawh tur a ni anga. Hmanah khan in koh theih deuh hlek a awm niin a lang a. Tunah chuanin khatiang a indawt khanin kan Speaker emaw Deputy Speaker emaw a theih loh chuan tih ani tawh dawn ani a.

Tin, tunah chuan business item no.5-ah khan kal leh tawh ila. Pu C.Vulluaia'n Committee on Estimates 7th Reports rawn pe sela, i lo ko nghal angu.

* PU C.VULLUAIA : Mr.Speaker, sir I the Chairman of the Committee on Estimates having been authorised by the committee to present this report on its behalf present these seventh reports on the working of the Krishi Vidhyan Kendra i.e. Agricultural Science Centre established in Kolasib, Mizoram.

Thank you.

SPEAKER : Awle, tunah a copy kha han sem nghal ula a tha ang a (a copy chu an sem a) Awle, member tin ten a copy kha in hmu tawh a, tunah chuan Estimates Committee Report Pu C.Vulluaia rawn tih chhuah kha; tunah kan business item hnukung ber vawin atan chuan ani tawh a. Ram leilung chhiah chungchang a Sorkar in bill a tihpun tur a neih putluh phalna chu tunah Pu Lalhmingshanga, Minister in-charge Revenue rawn pu lut turin i sawm ang u.

PU LALHMINGTHANGA : Pu Speaker, hei House zahawm tak hnenah hian 'The Lushai Hills District Revenue Assessment (Amendment) Bill, 1982' rawn put luh phalna ka rawn dile.

SPEAKER : Hemi ah hian a put luh remti lo lam-pang zawnga sawi duh in awm chuan han sawi ula. (Member te an ngawi a.) In awm lo ani maw ? In awm lo anih chuan tunah kan Minister in a Bill a kha rawn introduce sela.

PU LALHMINGTHANGA : Pu Speaker, The Lushai Hills District Revenue Assessment Bill, 1982 chu tunah hian House ah ka rawn introduce e.

SPEAKER : He Bill Title hi Assembly Secretary in tunah han chhiah chhuak sela.

(Secretary chuan a chhiah chhuak a)

Awle, Bill chu introduce a ni ta a, Kha kha kan business kalcho zelah khan a ngaihtuah hunah ngaihtuah a pass theih anih chuan pass ani anga. Tunah chuan kan business a a copy kha han sem leh phawt ula, a copy sem hun leh a ngaihtuah hun a kha a in bichilh deuh hlek a. Tah khanin engemaw chenah ngaihdam dil pawh a ngaiin ka hria a, a chhan chu government lam atangin a bill a kha a rawn kaltlai deuh tlat mai a. Helai ah dan ang chiah a kan lo neih ang khan kan ti thei ta lova, remchanna kan zawng ta zawk a ni a. Tin, tunah chuanin a copy kha member tin te hnenah pek a ni ta a. Vawin atan a kam hun neih chu kan Business kan zawh tawh avangin kan chawl hrih anga. Naktuk dar sawm leh a chanve ah kan tan

leh anga. Hei vawiin hi a lawmawm khawp in ka hria a, member te kan present tha em em a, tin, discussion, sawihona kan neih chhungin member tam zawk ni dangah kha chuanin kan chhuak kan chhuak thin niin a lang a, vawiin ah chuan tam zawk englai pawha kan awm theih avangin a lawmawm a. Hei hi kengkawh chho zel ila a thain ka hria.

Tunah chuan naktuk dar 10:30 A.M. hma chuon kan House chu kan chawl hrih dawn ani.

* Speech not corrected

Meeting adjourned at 1:00 P.M.

J. MALSAWMA
SECRETARY.

.....



CABINET MINISTERS

BRIG. THENPHUNGA SAILO AVSM (Rtd)
HONOURABLE CHIEF MINISTER.

Minister in-charge of :-

1. Home Department.
2. Political Department.
3. General Administration Department.
4. Secretariat Administration Department.
5. Appointment Department.
6. Law, Judicial and District Council Affairs Department.
7. Planning Department.
8. Information, Public Relation and Tourism Department.

SHRI LAIHMINGTHANGA
MINISTER

1. Finance Department.
2. Revenue, Excise & Taxation Department
3. Public Works Department.
4. Power & Electricity Department.

SHRI ZAIREMTHANJA
MINISTER

1. Supply & Transport Department.
2. Local Administration, Town Planning & Housing Department.
3. Labour & Employment Department.
4. Parliamentary Affairs (as part of Political) Department.

SHRI P.B.ROSANGA
MINISTER.

1. Agriculture & Soil Conservation Deptt.
2. Forest Department.
3. Animal Husbandary & Veterinary Department.
4. Health & Family Welfare Department.
5. Community Development Department (as part of Community & Cooperation Department).

SHRI F.MALSAWMA
MINISTER.

1. Education & Social Welfare Department.
2. Industries Department.
3. Co-operation Department (as part of Community and Cooperation) Department.

.....

MIZORAM LEGISLATIVE ASSEMBLY
PRINCIPAL OFFICER

1. Honourable Speaker - Dr. Kenneth Chawngliana
2. Hon'ble Dy. Speaker - Shri C. Chawngkunga.

SECRETARIAT

1. Shri J. Malsawma - Secretary.
2. Shri V. L. Bawia - Under Secretary.

.....

LIST OF ELECTED MEMBERS OF THE THIRD
MIZORAM LEGISLATIVE ASSEMBLY

Sl No	Name of the Members.	No. &	Name of Assembly Constituency.
1.	Hiphei	1 -	Tuipang.
2.	H.Rammawi	2 -	Sangau.
3.	S.Vadyu	3 -	Saiha.
4.	Sneha Kumar Chakma	4 -	Chawngte.
5.	Hari Kristo Chakma	5 -	Tlabung
6.	K.Lalsanga	6 -	Buarpui
7.	Lalhmingthanga	7 -	Lunglei
8.	B.Lalchungnunga	8 -	Tawnpui
9.	Ellis Saidanga	9 -	Hnahthial
10.	Lalngenga	10 -	North Vanlaiphai
11.	Joe Ngurdawla	11 -	Khawbung
12.	Lal Thanhawla	12 -	Champhai
13.	J.H.Lianchungnunga	13 -	Khawhai
14.	L.Piandenga	14 -	Saitual
15.	P.B.Rosanga	15 -	Ngopa
16.	F.Malsawma	16 -	Suangpuilawn
17.	J.Thankunga	17 -	Ratu
18.	Dr.Kenneth Chawngliana	18 -	Kawnpui
19.	C. Chawngkunga	19 -	Kolasib.
20.	Saikapthianga	20 -	Kawrthah
21.	C.Vuluuaia	21 -	Sairang
22.	Vacant	22 -	Phuldungsei
23.	C.Pahlira	23 -	Sateek.
24.	Bualhranga	24 -	Serchhip
25.	K.Biakchungnunga	25 -	Lungpho
26.	C.L. Ruala	26 -	Tlungvel
27.	Brig.Thenphunga Sailo	27 -	Aizawl North
28.	L.Thanmawii	28 -	Aizawl East.
29.	Zaifemthanga	29 -	Aizawl West.
30.	Sainghaka	30 -	Aizawl South.

NOMINATED MEMBERS

1. K.Thansiemi
2. Biakchhunga
3. V.Lalnunzira.

.....

A CHHUNGA THU AWMTE

1st sitting on 19th October, 1982 (Tuesday)

Page

- (1) Brig. Thenphunga Sailo, Chief Minister and Leader of the House to make obituary reference to the passing away of Pu R. Zadinga, M.L.A and Sheikh Mohamad Abdullah, Chief Minister of Jammu & Kashmir. 1-7.
- (2) Oral answer to Starred Questions (Starred Question No. 1-5) 7-24.
- (3) Announcement from the Chair and Presentation and adoption of Report of the Business Advisory Committee. 24-30.
- (4) Presentation of the Seventh Report of the Estimates Committee 30-31
- (5) Introduction of Lushai Hills District (Revenue Assessment) (Amendment) Bill, 1982' 31-32.

2nd sitting on 20th October, 1982 (Wednesday)

- (1) Oral answer to Starred Question (Starred Question No. 6-10) 33-46.

3rd sitting on 21st October 1982 (Thursday)

- (1) Oral answer to Starred Question (Starred Question No. 11-15) 47-62
- (2) Presentation of the Eight Report of the Committee on Estimates. 62.
- (3) Consideration of the Bill "The Lushai Hills District (Revenue Assessment) (Amendment) Bill, 1982. 63-96.

4th sitting on 22nd October, 1982 (Friday)

- (1) Oral answer to Starred Questions (Starred Question No. 16-20) 100-110
- (2) Presentation of the Eight Report of the Public Accounts Committee. 111
- (3) Discussion on Private Members' Resolutions. 112-153.

5th sitting on 25th October, 1983 (Monday)

- (1) Oral answer to Starred Question (Starred Question No. 21-25) 154-160.
- (2) Oral answer to Short Notice Question (Short Notice Question No. 1-5) 161-177.
- (3) Calling attention . 177-181.
- (4) Presentation of Eight Report of the Committee on Government Assurances. 181.
- (5) Presentation of Sixth Report of the Committee on Subordinate Legislation. 181-182.